



UNIVERSITÄTS-
BIBLIOTHEK
PADERBORN

**DE VITA || ET MORIBVS IGNA-||TII LOIOLAE,|| QVI
SOCIETATEM IESV || fundauit, Libri III.|| Auctore Ioanne
Petro Maffeio, pres-||bytero Societatis eiusdem.|| Ex
auctoritate superiorum.||**

Maffei, Giovanni Pietro

Köln, 1585

VD16 M 110

Romam Patres vniuersi conueniunt: vetere plebis erudiendæ morem, & frequente[m] vsum Comfeßoonis, & Eucharistiæ restituunt. Cap. VII.

[urn:nbn:de:hbz:466:1-68259](https://nbn-resolving.org/urn:nbn:de:hbz:466:1-68259)

uersa concionator egregius haud mediocriter profuit. Hoc igitur auctus cōmilitone Romā Ignatius reuertit : ad quem deinceps aliquot etiam alij rebꝝ gerendis idonei diuino impulsu paucis diebus adiuncti sunt.

Romam Patres vniuersi conueniunt: veterem plebis erudiendae morem, & frequentem usum Confessionis & Eucharistiae restituant.

Cap. VII.

QVAE dum ardens Christi amore diligenter agit Ignatius, interim Patres ceteri sua quisque provincia bene gesta, Romam (vti decreuerant) circa mediam Quadragesimā conuenere. Is fuit annus post Christum natum M. D. XXXVIII. Tecto recepti sunt à Quirino Guarzonio ciue Romano, ad villam Minimorum fratrum cœnobia proximam. Ibi in summa omnes egestate precario victitantes, communi consilio ad rem Christianam pro viribus adiuuandam aggressi, permissuq; Antistiti varia Urbis templa sortiti, concionibus primum ciuitatem ad omne

mne officium atque virtutem vehemē-
 ter accendere; deinde etiam veteri Ec-
 clesie instituto plebem puerosq; Chri-
 stiana catechesi (quæ iamdiu obsoleue-
 rat) vicatim erudire institerunt. Ac li-
 cēt pijs eorum studijs demōn omni co-
 natu se opponeret; tamen partim exē-
 plo vitæ, partim assiduitate diceñdi
 hortandiq; cum alia multa propedi-
 em assecuti sunt, tum verō præcipue,
 vt sacræ Cōfessionis & Eucharistiæ fre-
 quens vsus (quo nihil est humano ge-
 neri salutaris) diaboli fraude iam pri-
 dem extinctus, magno utique Christi-
 anæ Reip. commodo in principe magi-
 straquē orbis terrarum Ecclesia reuiu-
 sceret. ex quo deinde paulatim effectū
 est, iisdem scilicet adiutoribus, non so-
 lum vt in Italia, Gallia, Hispania, cate-
 risq; Catholicis Europæ regionibus,
 verum etiam vt in ipsa India, atq; ad-
 eo in vltimis terris, vbi paulo ante fe-
 rales dæmonū dapes, & nefaria sacra vi-
 guerant, iā nunc, ingenti bonorū gau-
 dio, per pœnitentiæ sacramentum fre-
 quenter elutis animi sordibus, diuina
 passim conuiuia celebrentur.

Falsis